

Facultas vendendi quaedam prædia, agros, &c. concessa Abb. Bernardo II. A. 1609.

IDEM PAVLVS PAPA V.
CONCEDIT FACVLTATEM ABBATI BERNAR-
DO II. VENDENDI QVÆDAM PRÆDIA, AGROS,
vincas &c. in Territorio Zuricano valoris 40000. scutorum
pro eodem Comitatu Valdulcenſi &c.
coëmendo.

ANNO CHRISTI 1609.

VENERABILI FRATRI EPISCOPO VENAFRANO,
nostro, & Apostolicæ sedis apud Helue-
tios Nuntio.

PAVLVS PP. V.

VENERABILIS frater salutem, & Apostolicam benedictio-
nem. Ex iniuncto Nobis desuper Apostolicæ seruitutis offi-
cio, ad ea, per quæ Monasteriorum præsertim insignium, &
Sedi Apostolicæ immediatè subiectorum vtilitati consulitur, libenter
intendimus. Exhibita siquidem Nobis nuper pro parte dilectorum fi-
liorum Abbatis, & Conuentus Monasterij sancti Galli, Ordinis sancti
Benedicti, Constantien. seu nullius diocæs. petitio continebat, quòd
ipsi Abbas, & Conuentus, vt dicti Monasterij conditionem meliorem
efficiant, Comitatum Valduccij, vulgò Faduzij, (1) nuncupatum, cum
statu montis Scalensis, vulgò Schellenberg etiam nuncupato titulo em-
ptionis dicto Monasterio acquirere desiderant, Verùm ex quo illi pec-
uniâs omnes, quæ ad huiusmodi emptionem requiruntur, in promptu
non habent, nonnulla bona stabilia eidem Monasterio minus vtilia,
tam in territorio Zuricani, quàm alibi existentia, quæ vnâ cum infraſcri-
ptis decimis sunt valoris quadraginta millium scutorum, vendere, nec
non Incolas ipsius territorij Zuricani à solutione nonnullarum decima-
rum dicto Monasterio debitarum eximere desiderant, si nostra ad id
accedat Licentia. Quare Abbas & Conuentus præfati, qui residuum
pretij Comitatus, & status præfatorum, ad summam ducentorum mil-
lium scutorum similitum ascendenti absque aliorum bonorum (præ-
terquam certæ iurisdictionis, quam Nos hodie ad hunc effectum alie-
nari etiam posse concessimus) distractione supplere intendunt, Nobis
humiliter supplicari fecerunt, vt eis venditionem huiusmodi faciendi
licentiam concedere, de benignitate Apostolica dignaremur.

Nos